



Алматы қаласы Жұмыспен қамту
және әлеуметтік бағдарламалар
басқармасы басшысының
2025 жылғы 29.09 № 2
бұйрығына № 101 қосымша

**Алматы қаласы Жұмыспен қамту және
әлеуметтік бағдарламалар басқармасы
Жоспарлау және қаржы бөлімінің
ережесі**

1. Жалпы ережелер

1. Жоспарлау және қаржы бөлімі (бұдан әрі – Бөлім) Алматы қаласы Жұмыспен қамту және әлеуметтік бағдарламалар басқармасының (бұдан әрі – Басқарма) құрылымдық бөлімшесі болып табылады.

2. Бөлім өз қызметінде Қазақстан Республикасының Конституциясын, Қазақстан Республикасының Бюджет кодексін, Әкімшілік рәсімдік-процестік кодексін, Әлеуметтік кодекс, «Салық және бюджетке төленетін басқа да міндетті төлемдер туралы» Қазақстан Республикасының кодексін, «Қазақстан Республикасының мемлекеттік қызметі туралы» заңын, «Мемлекеттік мүлік туралы», «Сыбайлас жемқорлыққа қарсы күрес туралы», Қазақстан Республикасы Президентінің 2015 жылғы 29 желтоқсандағы №153 Жарлығымен бекітілген ҚР мемлекеттік қызметшілерінің Әдеп кодексін, Қазақстан Республикасы Қаржы министрінің 2025 жылғы 22 сәуірдегі № 185 «Бюджеттік сұранымды жасау, ұсыну, қарау қағидаларын бекіту туралы» бұйрығын, Қазақстан Республикасы Қаржы министрінің 2025 жылғы 12 мамырдағы № 223 «Мемлекеттік мекемелерде бухгалтерлік есепке алуды жүргізу қағидаларын бекіту туралы» бұйрығын және Қазақстан Республикасы Қаржы министрінің 2025 жылғы 16 сәуірдегі № 170 бұйрығымен бекітілген Мемлекеттік мекемелердің бухгалтерлік есеп шоттарының жоспарымен, Қазақстан Республикасы Үкіметінің 2015 жылғы 31 желтоқсандағы № 1193 қаулысымен бекітілген «Азаматтық қызметшілерге, мемлекеттік бюджет қаражаты есебінен ұсталатын ұйымдардың қызметкерлеріне, қазыналық кәсіпорындардың қызметкерлеріне еңбекақы төлеу жүйесі туралы», 2001 жылғы 29 тамыздағы Қазақстан Республикасының Үкіметінің №1127 қаулысымен бекітілген «Мемлекеттік бюджет қаражаты есебінен Қазақстан Республикасы органдарының қызметкерлеріне сыйлықақы беру, Материалдық көмек көрсету және лауазымдық жалақыларына үстемеақылар белгілеу, сондай-ақ мемлекеттік әкімшілік қызметшілерге бонустар төлеу қағидаларын», Қазақстан Республикасы Қаржы министрінің 2024 жылғы 9 қазандағы № 687 бұйрығымен бекітілген «Мемлекеттік сатып алуды жүзеге асыру қағидаларын», Қазақстан Республикасы Қаржы министрінің 2025 жылғы 30 мамырдағы № 272 бұйрығымен бекітілген «Бюджетті атқару және оған кассалық қызмет көрсету қағидаларын бекіту туралы», Алматы қаласы әкімдігінің қаулыларын, Алматы қаласы әкімінің шешімдері мен өкімдерін, Алматы қаласы мәслихатының

Handwritten signature

шешімдерін, Басқарма туралы Ережені, басқарма басшылығының бұйрықтары мен өкімдерін, сондай-ақ осы Ережені басшылыққа алады.

3. Бөлімнің құрылымы, штат саны Қазақстан Республикасының заңнамасында белгіленген тәртіппен басқарманың штат кестесіне сәйкес бекітіледі.

4. Бөлім құрылымында :

1) бөлім басшысы – 1 бірлік, Д-О-3 санаты;

2) бөлімнің бас мамандары – 5 бірлік, Д-О-4 санаты бар.

2. Бөлімнің негізгі мақсаттары, құқықтары мен міндеттері

5. Мақсаттары:

1) Басқармада және ведомстволық бағыныстағы мекемелерде әлеуметтік-экономикалық даму болжамын ескере отырып, нәтижеге бағытталған ашық және теңгерімді бюджеттік жоспарлауды қалыптастыру;

2) басқарманың барлық бөлімшелерінің жұмыс істеуі үшін материалдық базаны қамтамасыз ету және бюджеттік қаражаттарды тиімді пайдалану мен игеруді бақылау;

3) әр бағдарлама бойынша есептеулерді және материалдық шығындардың нақты қажеттілігін есептей отырып, басқарма мен ведомстволық бағынысты мекемелердің алдағы үш жылдық мерзімге арналған бюджеттік өтінімнің орта мерзімді жоспарын қалыптастыру;

4) бюджет қаражатының уақытылы, дұрыс және тиімді жұмсалуды, ақша қаражаттары мен материалдық құндылықтардың сақталуын, бухгалтерлік есеп талаптарына сәйкес активтердің, міндеттемелердің болуы мен қозғалысына байланысты операциялар мен оқиғалардың есебін бақылау;

5) барлық бағдарламалар бойынша жалақыны, салықтарды, бюджетке төленетін төлемдерді, әлеуметтік сақтандыру және зейнетақы жарналары мен басқа да төлемдерді уақытылы есептеу және аудару;

6) дербес есеп жүргізуді жүзеге асыратын бюджеттік ұйымдарға уақтылы ашық лимиттерді енгізуді, олардың дұрыс есепке алынуын қадағалау, арнайы қорлар сметасы бойынша кірістер мен шығыстардың есебін жүргізу, Басқарма мен ведомстволық бағынысты ұйымдарда келіп түскен ақша қаражаттарын, тауарлы-материалдық қорлар мен негізгі құралдарды, материалдық емес активтерді есепке алу және олардың қозғалысына байланысты операцияларды бухгалтерлік есепте көрсетуді жүзеге асыру.

6. Құқықтары мен міндеттері:

1) бөлімнің құзыретіне жататын мәселелер бойынша Басқарма басшылығының қарауына ұсыныстар енгізу;

2) ұйымдық-құқықтық нысанына қарамастан басқа да мемлекеттік және мемлекеттік емес органдарда, кәсіпорындарда, мекемелерде, ұйымдарда Басқарма мүддесін білдіру;

3) басқа бөлімдер мен бағынысты мекемелерден бюджеттік өтінімдер мен есептерді уақытылы ұсынуды талап ету;

4) бөлімге жүктелген функцияларды орындау үшін қажетті ақпаратты сұрату және алу;

5) Алматы қаласы әкімінің аппаратына, Алматы қаласының Қаржы басқармасына және басқа да мемлекеттік органдарға есептілік деректерін

калыптастыру үшін бюджетті әзірлеу мен атқару тиімділігін бағалау әдістемесі бойынша ағымдағы және қорытынды ақпаратты уақытылы ұсыну;

6) бухгалтерлік есеп жүйесін, құпия ақпаратты қорғау жүйесін жетілдіру бойынша ұсыныстар енгізу;

7) қаржылық міндеттемелерді орындау мерзімінің бұзылуына жол берген Басқарма қызметкерлеріне тәртіптік жаза қолдану бойынша ұсыныстар енгізу;

8) ұйымдағы бухгалтерлік есепті дұрыс ұйымдастыруды қамтамасыз ету үшін Басқарманың басқа бөлімдерінен бастапқы құжаттарды уақытылы беруді талап ету;

9) Басқарма қызметкерлерінен қаржылық құжаттаманы беру тәртібінде анықталған бұзушылықтарды жоюды талап ету;

10) Басқарма қызметкерлерінен толық емес немесе дұрыс рәсімделмеген құжаттарды орындауға қабылдамау;

11) Басқарманың барлық қызметкерлерінен ұйым мүлкінің сақталуын қамтамасыз етуді талап ету;

12) Басқарма мүлкінің сақталуын қамтамасыз етеді;

13) еңбек және орындау тәртібін сақтауға, барлық жұмыс түрлері мен басшылықтың нұсқауларын, қызметтік міндеттерін уақытылы орындауды қамтамасыз ету;

14) бөлімге жүктелген міндеттер мен функцияларды уақытылы және сапалы орындау;

15) бөлім өз қызметін жүзеге асыру кезінде қолданыстағы заңнаманың талаптарын сақтауға, сондай-ақ осы Ереженің нормаларын қатаң сақтауға және басшылыққа алуға міндетті;

16) өтініштерді талдау және өтініш берушілер көтеретін жүйелі проблемаларды анықтау.

7. Функциялар:

1) төлемдер және міндеттемелер бойынша бағдарламалар бөлінісінде қаржыландыру жоспарын құру;

2) бюджеттік бағдарламалар бойынша міндеттемелердің орындалуына бақылау жүргізу;

3) басқарма мен бағынысты мекемелердің штаттық кестесін әзірлеу және бақылау;

4) бюджеттік жоспарлауға өзгерістер енгізу;

5) қаржыландыру жоспарының орындалуына жүйелік талдау жүргізу;

6) Алматы қаласы мемлекеттік активтер басқармасына ұсыну үшін (желілер, штаттар және контингенттер) есебін жасау;

7) Басқарма мен бағынысты мекемелерге тауарлар, жұмыстар мен көрсетілетін қызметтерді мемлекеттік сатып алу үшін жоспарлы сомаларды ұсыну;

8) ведомстволық бағынысты мекемелерге тәжірибелік және әдістемелік көмек көрсету;

9) аналитикалық, ай сайынғы және жылдық есептер мен түсіндірме жазбаларды (1-ЦТ, 5-ЦТ, 21, 22-қосымшалар) әзірлеу;

10) жергілікті бюджет қаражатын нақтылау бойынша ақпаратты маслихатқа ұсыну үшін бюджеттік өтінім жасау;

11) жоғары тұрған органдардың сұрауларына ақпарат дайындау және ұсыну;

12) басқарма бөлімдерімен берілген өтінімдерге сәйкес бюджет қаражатының қозғалысын бақылау, сондай-ақ ведомстволық бағынысты мекемелерді ұстау бойынша қаржыландыруды бақылау;

13) қаржыландыру жоспарына сәйкес басқарма мен ведомстволық бағынысты мекемелердің бюджеттік қаражатын игерілуі мен орындалуын бақылау;

14) басқарма мен ведомстволық бағынысты мекемелердің алдағы үш жылдық мерзімге арналған бюджеттік өтінімнің орта мерзімді жоспарын әзірлеу;

15) бюджеттік бағдарламаларды жүзеге асыру туралы жылдық есептерді жасау және Алматы қаласы Қаржы басқармасына, мониторинг нәтижесі мен игеру туралы, республикалық бюджеттен берілетін нысаналы трансферттер туралы есептерді әзірлеп, Қазақстан Республикасының Еңбек және халықты әлеуметтік қорғау министрлігіне тапсыру;

16) жасалған шарттарға ұсынылған құжаттарды қарау, олардың рәсімделуінің дұрыстығын, оның ішінде жұмыстарды орындау мен қызмет көрсету кестелерін және орындалған көлемге ақы төлеуді тексеру;

17) белгіленген принциптер, стандарттар, оны жүргізу ережелері негізінде бухгалтерлік есепті ұйымдастыру; жеткізушілермен, бюджетпен уақытылы есеп айырысуларды қамтамасыз ету;

18) ведомстволық бағынысты ұйымдардың қағаз және электрондық жеткізгіштердегі есеп беру нысандарын тексеру арқылы бухгалтерлік есеп талаптарының дұрыс жүргізілуін бақылау;

19) Қазақстан Республикасының заңнамасында белгіленген мерзімде бастапқы құжаттарды, бухгалтерлік есеп регистрлерін қағаз және электрондық тасығыштарда, қаржылық есептілікті, бухгалтерлік есеп деректерін электрондық өңдеу бағдарламаларын сақтауды қамтамасыз ету; мұрағат заңнамасының талаптарына сәйкес құжаттарды қалалық мұрағатқа сақтауға тапсыруды ұйымдастыру;

20) Басқарманың мемлекеттік қызметкерлері мен техникалық персоналдарына жалақыны уақытылы есептеу және аудару;

21) Қазақстан Республикасының заңнамасында белгіленген салықтарды, бюджетке төленетін төлемдерді, әлеуметтік сақтандыру жарналарын және зейнетақы жарналарын уақытылы аудару;

22) Басқарма мен ведомстволық бағынысты ұйымдардың қаржылық есептілік формалары (бухгалтерлік баланс, қаржылық қызмет нәтижелері туралы есеп, ақша қозғалысы туралы есеп, таза активтер/капиталдағы өзгерістер туралы есеп, түсіндірме жазба – 1, 2, 3, 4, 5 қосымшалар) бойынша жарты жылдық және жылдық есептерді әзірлеу, қабылдау және тапсыру;

23) Басқарма мен ведомстволық бағынысты ұйымдардың дебиторлық және кредиторлық берешектері туралы тоқсан сайынғы есептерін қабылдау, жасау және тапсыру;

24) мүліктің болуы мен қозғалысын бақылау; Басқармадағы мүліктің және міндеттемелердің нақты бар-жоғын бухгалтерлік есеп деректеріне сәйкестігін уақытылы түгендеу, ведомстволық бағыныстағы ұйымдарда түгендеуді тексеру;

25) почталық қызметтер көрсету және газет-журналдарға жазылу бойынша келісім-шарттар жасау;

26) «ХОЗУ» ЖШС-ның Алматы қаласы коммуналдық мекемелерімен жасалған шарттары бойынша (ыстық және суық су, кәріз жүйесі, электр энергиясы, жылу жүйесіне және автокөлік) бақылау жүргізу;

27) Әлеуметтік қызметтер үйі залын ауыз сумен қамтамасыз ету бойынша шарттар жасау және оны бақылау;

28) «ХОЗУ» ЖШС-мен ай сайынғы (коммуналдық қызметтер, Әлеуметтік қызметтер үйі ғимаратын ұстау және оған қызметтер көрсету, автокөлік қызметтері бойынша) өзара есеп айырысулар жүргізу;

29) жеткізушілерден тауарлар, жұмыстар және қызметтер (мөр, штамп, бланк, фишкалар, стенд, мұқаба, және кеңсе тауарлары) сатып алу бойынша шарттар жасау және олардың техникалық ерекшеліктерін әзірлеуді ұйымдастыру;

30) бухгалтерлік есеп талаптарына сәйкес активтердің, міндеттемелердің болуы және қозғалысы туралы ақпараттың сақталуын қамтамасыз ету;

31) салық есептілігі мен статистикалық есептерді жасау және уақытылы тапсыру;

32) мүліктің және міндеттемелердің нақты бар болуының бухгалтерлік есеп деректеріне сәйкестігіне түгендеу жүргізу;

33) Басқару ғимаратында және МӘМ-де күзет, терроризмге қарсы және өрт қауіпсіздігін қамтамасыз етуді бақылауды жүзеге асыру;

34) Басқарма ғимаратында өрт дабылына техникалық қызмет көрсетуді қамтамасыз етуді бақылауды жүзеге асыру;

35) өрт қауіпсіздігі бойынша және Басқарманың және МӘМ-нің жылыту маусымының күзгі-қысқы кезеңіне дайындық бойынша бұйрықтар дайындау;

36) Басқарма ғимаратында халықтың аз қозғалатын топтары үшін лифтерге, өрт дабылы жүйелеріне, бейнебақылау, желдету, тік және көлбеу көтеру құрылғыларына қызмет көрсетуді қамтамасыз ету жөніндегі жұмыстар;

37) тұтынушылардың геоэнергетикалық тізілімі бойынша ведомстволық бағынысты мекемелердің жыл сайынғы есепті орындауын бақылау;

38) Басқарма ғимаратының жылыту жүйесін қосу/ажырату кезінде жылулық есепке алу аспаптарын бақылау және тексеруді жүзеге асыру;

39) Басқарманың жалпы жұмыс жоспарын әзірлеу жөніндегі жұмысқа қатысу;

40) картридждерді толтыру, компьютерлік техниканы жөндеу және техникалық қызмет көрсету жөніндегі жұмысты ұйымдастыру және бақылау;

41) ұйымдастыру техникасымен қамтамасыз ету және оның қажеттілігіне өтінімдер жасау;

42) сатып алынатын ұйымдастыру техникасы мен бағдарламалық қамтамасыз етуге техникалық ерекшелік пен біліктілік талабына өтінімдер мен ұсыныстар Басқарма бөлімдерінің талаптары негізінде әзірлейді;

43) Қазақстан Республикасының заңнамасына және Басқарма туралы ережеге сәйкес өзге де функцияларды жүзеге асыру.

3. Бөлімнің ұйымдастыру қызметтері

1. Бөлім заңнамалық актілерге, Қазақстан Республикасы Президентінің актілеріне, Қазақстан Республикасының өзге де нормативтік құқықтық актілеріне сәйкес өзінің негізгі міндеттері мен функцияларын іске асыру үшін қажетті өкілеттіліктерге ие.

2. Бөлімді Қазақстан Республикасының заңнамасында белгіленген тәртіппен қызметке тағайындалатын және қызметтен босатылатын бөлім басшысы басқарады.

3. Бөлім басшысы бөлім қызметіне жалпы басшылықты жүзеге асырады және бөлімге жүктелген міндеттердің орындалуына және оның функцияларын жүзеге асыруға дербес жауапты болады.

4. Бөлімнің құрылымы Басқарманың штаттық кестесіне сай анықталып, қызметкерлері Басқарма басшысының бұйрығымен тағайындалады.

5. Бөлім қызметкерлерінің лауазымдық міндеттерін бөлуді бөлім басшысы жүзеге асырады және Басқарма басшысымен бекітілетін лауазымдық нұсқаулықтарда белгіленеді;

6. Бөлім басшысы уақытша болмаған жағдайда, оның міндеттерін бөлімдегі бас мамандардың біреуі атқарады.

7. Бөлім құзыретіне кіретін мәселелер бойынша бөлім атынан басқа құрылымдық бөлімдерге жіберілетін құжаттарға бөлім басшысы, ал ол болмаған жағдайда оны алмастыратын адам қол қояды.